


民國叢書

第五編

• 4 •



民國叢書

第五編

· 4 ·

哲學·宗教類

孟子本義

荀子束釋

胡鏡寰編著

梁啟雄著

上海書店

梁啟雄著

荀子東釋

中華民國二十五年九月初版

平

荀子東釋一冊

(2415)

每冊實價國幣叁元伍角
外埠酌加運費函費

著者 梁 啓 雄

發行人 王 雲 五

印刷所 上海河南路商務印書館

發行所 上海及各埠商務印書館

版 權 所 有
翻 印 必 究

高序

新會梁叔任氏，先師任公先生之介弟也。以荀子一書，淵懿博瑋；王

謙集解雖稱注荀善本；然近儒箋詁，散在方策；深文艱義，猶多滯疑；乃潛心奮志，有荀子束釋之作。自民國十四年搦翰屬稿，已八載於茲矣。十八年春

^序與梁氏同客瀋陽，旬日必相見，相見必論荀子，如是者三載。二十年秋國

難猝作，^序與梁氏同蒞燕都，亦旬日必相見，相見必論荀子，如是者又二載。

梁氏以^序嗜周秦諸子書，復以校讎之役相屬。故梁氏此書^序讀之最早，知

之最深，欽服之最篤，望其付梓亦最切也。揚摧論之，梁氏此書，厥有四善：

諸家校釋，集解所有，束善而取，摭其精英，汰其蠱燕，簡而不疎，精而僉當；有去考去類之功，無忘筌忘蹄之過，一也。集解所無，窮蒐備列，洵王書之補遺，亦

荀子之詁苑，衆詮胥具，不勞旁尋，案裁攸加，獨抒荊見，二也。荀子正文，塙乎

者正之，竄者逐之，挽者益之，衍者刪之，作畫識於字側，注原文於句下，因而
理貫達，誦之繹然三也。增訓翔密，言有依據，名物制度，悉爲攷稽，大義微
言多所宣發，足以啗哲人之奧旨，淪讀者之潛思，四也。故梁氏此書，固初學
之所棘求，亦鴻彥之所必取，其將風行海宇，嘉惠士林，庶敢決其必然也。荀
子曰：「慎子有見於後，無見於先。」老子有見於拙，無見於信。墨子有見於
齊，無見於畸。宋子有見於少，無見於多。又曰：「墨子蔽於用而不知文，
宋子蔽於欲而不知得。慎子蔽於法而不知賢，申子蔽於執而不知知。
惠子蔽於辭而不知實，莊子蔽於天而不知人。」梁氏嘗歎此達言，以爲有
見於此，無見於彼，而有所蔽，乃治學之大忌。則梁氏箸書之忠實謹慎，更可
知矣。今當剗刪伊始，書此以獻梁氏，竝爲讀梁氏書者告。中華民國二十
二年八月二十五日後學高亨拜譔。

楊序

民國十五年九月，余始教學於清華大學。於時先師新會梁先生方任清華研究院教授，余因得日侍先生，有所請益。又以是得識介弟啓雄君。一日，君出所爲荀子東釋示余，命余校正。余既校竟，以歸之君。又三年，君命爲之序。乃作而言曰：善哉！君之爲書也。其引誘後學之意，可謂至哉！蓋余嘗謂吾國先哲所留遺之書，吾輩後學者有闡明之責。其嘗爲先儒所整理者，則當循是而益求其精；其未經先儒整理者，則當起而整理之，以求其真。令後人循是而求精焉，此深造之事也。深造之外，又當有普及之事焉。蓋近日學課日繁，讀先哲之書者，不必盡求深造於此者也。先儒所未及整理者，無論矣，卽其已整理者，大都諸說紛陳，辯訟斷斷，初學非專門之士乍睹焉，則望洋而歎，中卷而廢，終不得卒讀以一窺先哲之精神，是非吾輩治學者之

責乎？

荀子一書，固嘗經前吾邑先輩王葵園先生所整理者也。君取其書，

覆爲審校，益以王氏所漏采及近儒之說，旁及日本諸學者所爲書。博觀約

取，其善者存之，不當者屏之；其先儒所未備，則自下己意。大抵精而能約，簡

而不陋。吾知初學者得此，必欣然卒讀，決不至望洋而歎，中卷而廢也。不

惟於普及之益甚大，亦於深造有資焉。抑今世之需此類書也甚急，顧未有

創爲之者，然則君先導之功又不可沒矣！先是君嘗請序於先師，先師諾之，

以病遷延未及爲，而竟不得序君書。君以先師在日，於樹達時有過譽之詞，

乃以命余，余旣自愧不足任，又不得終辭，爰取平日所懷，僭列於簡端。追念

清華侍坐先師暢聞明論之時，又不禁掩卷長吁也！

民國十八年五月二十三日。
長沙楊樹達遇夫書於北平舊刑部街寓廬。

自敘

孟子言性善，荀子言性惡；孟子法先王，荀子法後王；孟子專尙王道，荀子兼尙霸道；二賢持義雖殊，而同爲儒家宗師，初無判軒輕也。漢文帝時，孟子列於學官，立博士傳授，推崇有加；而荀子以與孟子微異其撰，既揚孟必抑荀，軒輕之判，自此始矣！且先秦舊籍，多賴漢儒箋注以行世；孟子有趙岐爲之注，以是傳誦者衆；而荀子則闕如也。兼斯二因，遂使荀子棄置高閣，垂九百有餘載。延及中唐，乃有楊倞爲之注，惟楊去古既遠，時或安其意以失其真，殊不足以饜人欲。益以宋明之間，揚孟抑荀之風，倍甚於前，故其書終以蒙世詬厲，湮抑沉蕕，無繇復其光焉。迄清中葉，注之者驟增，盧召弓、汪容甫、王懷祖、郝恂九、劉端臨……諸碩儒，均有讎釋；光緒初，王益吾哀錄諸家，間下己意，爲荀子集解。見行注荀善本，當獨推此矣！雖然，時至今日，復宜有所致

力於是書者三事：

一、荀子以久晦之故，楊倞已謂「編簡爛脫」，後世傳鈔

轉刻者，又多沿譌襲謬；更以奧誼艱辭，多難索解；清儒舉正有所未逮，訓詁有所未瑩；每一檢覽，疑滯叢生，故賡續鑽研，實不容已。二、王氏集解，舊集前說，

雖云麤備，但王予中說遺而未采，王晚馨讀書雜誌，孫仲容札迻，並刊於集解

後；而近儒校釋，布在方策；東儒箋解，中土難遘；若輾轉尋閱，曠時良多，故亟宜蒐畧以爲集解增補。三、集解衆說繁鉅，多耗讀者之時力；倘削繁就簡，擇善

而從，使修學之士，得以含其英而咀其華，則時力既省，誼旨亦嚙；故撮要鉤玄，洵爲急務。竊不自揆，思集先儒荀子校釋之總成績，擷其菁英，芟其蕪燕，而

爲荀子東釋；管窺蠡測，間有一得，亦僭附於其末。蒐羅譌集之勞，烏足以云

述作，聊黽勉以圖便省覽焉爾！若夫發蘊闡精，仍佇遲諸洪哲，糾謬繩疏，實

禱斬於俊彥。博雅君子，幸匡教之。

民國二十三年夏梁啓雄識

述例

一 本書以荀子集解爲底本，更益集王懋竑、王紹蘭、俞樾（荀子詩說）、孫詒讓、陶鴻慶、劉師培、胡適、楊樹達、高亨、劉念親、日儒久保愛、豬飼彥博、物茂卿、岡本保孝、兼山、冢田虎、古屋弼、桃源藏、太宰純諸家之校釋，在此異說紛如之中，汰蕪摭精，俾便瀏覽。如欲求詳，請檢閱各家原著。

二 前儒校釋經本書擷采者，如王懋竑、王紹蘭、王引之、王先謙、郭慶藩、劉師培、楊樹達、劉念親及諸日儒皆標明其姓名，其餘各家爲簡約計，但記姓不記名。茲列省稱表如下：

王	楊	略稱
王念孫	楊倬	原名
劉	盧	略稱
劉台拱	盧文弨	原名
郝	謝	略稱
郝懿行	謝塘	原名
洪	汪	略稱
洪頤煊	汪中	原名

孫	顧	顧	顧	顧	顧	顧	顧	顧	顧
孫	孫	顧	陳	陳	吳	郭	郭	俞	俞
詒	詒	廣	陶	陶	奐	郭	嵩	愈	樹
讓	讓	圻	陶	陶	奐	郭	嵩	愈	樹
陶	陶	陳	陶	陶	吳	郭	嵩	愈	樹
陶	陶	陳	陶	陶	吳	郭	嵩	愈	樹
鴻	鴻	陳	陶	陶	吳	郭	嵩	愈	樹
慶	慶	陳	陶	陶	吳	郭	嵩	愈	樹
胡	胡	陳	陶	陶	吳	郭	嵩	愈	樹
胡	胡	陳	陶	陶	吳	郭	嵩	愈	樹
適	適	陳	陶	陶	吳	郭	嵩	愈	樹
高	高	陳	陶	陶	吳	郭	嵩	愈	樹
高	高	陳	陶	陶	吳	郭	嵩	愈	樹
亨	亨	陳	陶	陶	吳	郭	嵩	愈	樹

三 先伯兄任公在日，雨夕風晨，輒以荀子口授啓雄，逾年而業畢。先兄創見，啓雄當時筆之簡端。今悉逐錄入本書，冠「伯兄曰」三字以別之。

四 前儒校釋，義有未密，說有弗安，啓雄管見所及，莫不攷正疏補，而冠「啓雄案」三字以別之。

五 荀子正文，譌舛百出，前儒訂正，雖已不尠，然衍奪竄譌之字句仍多錯屬於行間。晦澀鉤棘，莫此爲甚。今據羣書所引荀子，宋明日荀子善本，刪其衍，補其奪，逐其竄，改其譌。其屬補、逐、改之字句，用▲符號標於各字句之旁；所刪之字句，不論字數之多寡，止用一▲符號標於所刪

之字或句原位之左側，統注明何所根據，及荀子原文如何。

六 舊本荀子，雖經前儒精密校勘，但衍訛竄奪之病仍未克盡祛，拂塵掃葉，事固難既；啓雄曾取宋台州本，明世德堂本及日本荀子增注各翔校一過，復得十餘字之訂正焉！

七 遇有難通或完全不能索解之字句，若無確鑿證據以資詮釋，則與其委曲強解，穿鑿附會，毋寧暫付諸存疑。本書用（？）符號標於未詳字句之左，以志闕疑。

八 本書所引各書，爲簡約計，亦多省稱，茲列省稱表如下：

省稱		全稱
大戴記	大戴禮記	
外傳	韓詩外傳	

荀子東釋
述例

增注	集解	釋詞	述聞	通鑑	御覽	類聚	治要
荀子增注	荀子集解	經傳釋詞	經義述聞	資治通鑑	太平御覽	藝文類聚	羣書治要

采輯諸家書目

王先謙荀子集解

王懋竑讀書記疑卷十一

王紹蘭讀書雜記（國學叢刊本 羅振玉編）

俞樾荀子詩說（春在堂全書纂言六）

孫詒讓札迻卷六

陶鴻慶讀諸子札記（國學叢刊二卷二號）

劉師培荀子補釋（國粹學報四十五至六十期）

劉師培荀子斟補（中國學報三至五期）

高亨荀子眉箋（稿本）

楊樹達讀荀子小箋（稿本）

荀子東釋

劉念親荀子正名篇詁釋

（華國月刊

卷一，十至十一。
卷二，一至九。）

日本物茂卿讀荀子

又久保愛荀子增注

又豬飼彥博荀子補遺

又岡本保孝荀子攷

目錄

高序

楊序

自敘

述例

采輯諸家書目表

第一篇 勸學.....一

第二篇 修身.....十二

第三篇 不苟.....二十二

第四篇 榮辱.....三十二

第五篇 非相.....四十五